

## Lög foreldrafélags leikskólans Norðurbergs.

Samþykkt á aðalfundi félagsins 19.10.2010

1. gr. Félagið heitir Foreldrafélag leikskólans Norðurbergs.
2. gr. Félagar eru foreldrar og/eða forráðamenn barna í leikskólanum Norðurbergi.
3. gr. Markmið foreldrafélagsins er að stuðla að velferð barna með því meðal annars að vinna:
  - a) að aukinni samvinnu foreldra og starfsfólks og foreldra innbyrðis um starfsemi og aðbúnað leikskólans
  - b) að leggja hagsmunum barna lið bæði innan leikskólans og út á við
4. gr. Félagsgjald er 300 krónur á mánuði í 10 mánuði, sem innheimtist tvisvar á ári, 1500 krónur í hvort sinn. Gjaldið rennur í sjóð sem stendur straum af kostnaði við starfsemi félagsins.
5. gr. Kosning til stjórnar félagsins skal fara fram á aðalfundi. Stefnt skal að því að Lundur eigi 2 fulltrúa í stjórn en aðrar deildir leikskólans eigi 1 fulltrúa í stjórn félagsins. Auk þess skal starfsfólk kjósa einn fulltrúa til setu í henni, þannig að samtals skipi stjórnina 7 fulltrúar. Æskilegt er að hluti fulltrúa sitji í tvö ár í senn í stjórn. Stjórnin skiptir sjálf með sér verkum.
6. gr. Stjórn félagsins skipa formaður, varaformaður, gjaldkeri, ritari, kynningarfulltrúi og meðstjórnandi. Þar að auki skal annað hvort formaður eða varaformaður fara sem fulltrúar í foreldraráð leikskóla Hafnarfjarðar og Landsamtök foreldrafélaga leikskóla.
7. gr. Félagsmenn skulu á aðalfundi móta leiðir að markmiðum félagsins. Bókfæra skal allar ákvarðanir.
8. gr. Stjórn félagsins hefur forgöngu um alla vinnu við starfsemi þess. Val verkefna og vinna stjórnarmanna og annarra félgsmanna skal vera innan markmiða félagsins. Að því marki sem ákvarðana aðalfundar nýtur við skal eftir þeim starfað.

9. gr. Stjórn kemur saman svo oft sem þurfa þykir, þó ekki sjaldar en 4 sinnum á ári.

10. gr. Aðalfund skal eigi halda síður en 31. október ár hvert og skal boða til hans með auglýsingu með minnst viku fyrirvara.

Dagskrá aðalfundar skal vera þessi:

- a) Skýrsla um starfsemi félagsins.
- b) Reikningur félagsins.
- c) Kostning til stjórnar.
- d) Breytingar á lögum.
- e) Ákvörðun félagsgjalda.
- f) Önnur mál.

11. gr. Tillaga til breytinga á lögum verða að hafa borist stjórn skriflega í síðasta lagi 3 dögum fyrir auglýstan fund. Breytingar á lögum ná því aðeins fram að ganga að 2/3 hlutar fundarmanna greiði þeim athvæði.